



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Paschalis II. privilegium de eodem dono sancti Nicolai.

urn:nbn:de:hbz:466:1-14735

Ecclesiæ, Albericus, Theobaudus, Rainaldus, Guarinus, Teobaudus, Guillelmus, Calepinus, Petrus. Ipsum firmatum fuit in Capitulo sancti Mauritij Andegavensis, confedentibus & concedentibus quorum nomina subscripta sunt. Normannus Decanus Andecavensis audivit & concessit. Richardus, Normannus Archidiaconus, Grafio, Guibertus, Guillelmus, Obertus, Haimericus, Vlgerius, & alij. Hoc donum & hanc concessionem fecit stabilius & firmitus auctoritas Paschalis Papæ, qui litteris & sigillo suo Ecclesiæ de Bosco ei deservientibus fratribus & deservituris cum suis pertinentiis possidendam constituit.

Privilegium de eodem dono sancti Nicolai.

Paschalis Episcopus servus servorum Dei dilectis filiis Albino Abbati & Canonicis sanctæ Mariæ de Bosco salutem & apostolicam benedictionem. Quia vos ad videndum Deum vacare cognovimus, nos juxta petitionem vestram quieti vestræ benignius providemus. Eapropter Capellam illam beati Nicolai quam in castello Credonis per manum Rainaldi Andecavensis Episcopi suscepistis, nos vobis per decreti præsentis paginam confirmamus, quam videlicet idem Rainaldus Episcopus de Hugonis Credonensis potestate receperat. Sicut ergo ab eo vobis concessa & tradita est, ita vobis in perpetuum quietam & integram cum omnibus appendiciis suis manere censemus. salvo nimirum censu annuo solidorum decem, qui matri Ecclesiæ beati Mauritij persolvendi sunt. Univerfa enim prædia & dona quæ supradicti Hugonis avus Rainaldus eidem Capellæ de suo jure obtulit & scripti assertionem contradidit, quæque ab ipsius Rainaldi filio Mauritio collata sunt, quietam vobis & integram in perpetuum manere sancimus.

An. 1117.

mus. Data Beneventi II. Non. Aprilis, Indictione decima.

Fundatio Ecclesie sancte Mariae de Rota.

DVM divina pietas quotidie nos admonet dicens, *Date eleemosynam. Et omnia munda sunt vobis. Facite vobis amicos de mammona iniquitatis. ut cum defeceritis, recipiant vos in aeterna tabernacula.* idcirco ego Raginaldus Roberti Burgundi filius pro Dei omnipotentis amore, & pro retributione animae meae, ut pius Dominus eripere me dignetur à perpetua morte, pro anima patris ac matris necnon & uxoris meae, quoddam boscum meum Credonensi castro proximum ad aedificandam ibi Ecclesiam beatæ & gloriosæ virginis Mariæ de jure meo in jus Canonorum sub beati Augustini regula in eadem Ecclesia degentium perpetuò transfundo ita solidum & à consuetudinibus omnibus exceptum qualiter à Fulcone Andegavensi Comite juniori solidum & quietum illud usque in præsentem diem tenui & teneo; ea siquidem conditione ut nullus alius ordo intra præfatam Ecclesiam aut in præsentem aut in futuro præter Canonorum canonicè illic habitantium admittatur. Ut autem hoc donum meum inviolabilem obtineat firmitatem, notum facio præsentibus & posteris meis hanc investitionem Andegavis factam esse supradictæ Ecclesie & ejusdem loci fratribus in camera & in domni Gaufridi Episcopi præsentia, vidente & concedente Mauricio & Henrico & Roberto filiis meis. Et ut hæc donatio rata & inviolabilis perpetuò subsistat, manu propria subscripsi. Data Andegavis III. Idus Febroarij, in crastino dedicationis basilicæ beati Nicolai.

In nomine Domini, ego Hugo Lugdunensis Archiepiscopus subscripsi.

Signum Raginaldi Credonensis.